

靈寶元量度人上品妙經卷之十五 地五

月華陰景品

道言昔於寶明天中黃華梵景太素光土受
元始度人月華陰景元量上品元始天尊當
說是經周迴十過以召十方始當詣座天真

地五

大神上聖高尊妙行真人廣寒上官后妃元
君嬪御仙官散輝金童耀華玉女無鞅數衆
乘空而來素雲玉霄金輿瓊輪羽蓋垂蔭流
精玉光灑彩鬱奕洞煥太空七日七夜諸天
日月星宿璇璣回標駐輪神風宛轉山海澄

源天虛八浮地寂四清一國地土山川林木
緬平一等無復高下土皆作金璃通玉交暎
無有異色衆真侍座

元始天尊玄坐空浮九龍瓊臺雲層之上說
經一徧諸天大聖同時稱善是時一國男女
始悟正因陰爲道母三元混沌於此孕成說
經二徧心識性解明悟道源說經三徧超離
陰胎即成化育說經四徧乘此經力得飛仙
道說經五徧闡法解理神澄廣寒說經六徧
金光徧空騫林搖響說經七徧法奧開顯保

劫長存說經八徧空歌洞章萬天遊唱說經
九徧月后降輶飄花凝秀說經十徧六陽俱
朝忽成萬化是時一國是男是女莫不傾心
皆受護度咸得長生

道言是時元始天尊說經一徧東方无極无
量品月華陰景大神無鞅之衆浮空而至說
經二徧南方无極无量品月華陰景大神無
鞅之衆浮空而至說經三徧西方无極无量
品月華陰景大神無鞅之衆浮空而至說經
四徧北方无極无量品月華陰景大神無鞅

之衆浮空而至說經五徧東北无極无量品
月華陰景大神無鞅之衆浮空而至說經六
徧東南无極无量品月華陰景大神無鞅之

衆浮空而至說經七徧西南无極无量品月
華陰景大神無鞅之衆浮空而至說經八徧

地五

二

西北无極无量品月華陰景大神無鞅之衆
浮空而至說經九徧上方无極无量品月華
陰景大神無鞅之衆浮空而至說經十徧下
方无極无量品月華陰景大神無鞅之衆浮
空而至徧周竟十方无極月華陰景大神

無缺之衆一時同至一國男女傾心歸仰俱
聞天尊將說大法月華陰景妙无上道各相
謂言聞經十徧漸契玄宗陰景之機未畢祕
奧我等初聞月本無光望如黑鑑日澗水光
暎以爲明金水之炁結爲陰景上弦爲金下
弦爲水合弦爲月金體圓就乾象周滿月侍
日明日依月耀望而純陽晦而純陰但知陽
勝爲仙不知陰景爲六陽之母聖人尊陽貴
陰蓋以此義陰生於陽陽能生陰玄鳥縞兔
交以天精極而返之得者無死元始首唱月

卷第五十三

華陰景之道各捨密寶以覲受持來者有如
細雨密霧無缺之衆迨國一半土皆偏陷非
可禁止於是元始以大慈悲入九陰觀湛然
大定大衆仰觀瞻見元始返神無息靜如寶
山良久之頃化爲明月月出十華靈芒交映
累累陰景狀如目瞳紫光凌空內隱輪際海
地五
會驚覩仙民再拜伏地忽然之間廣大月輪
中現樓閣后妃宮殿仙民城郭明白如晝月
華流光雜寶同色合座渴佇心目驚駭旋攝
月華變成寶珠大如黍米在空玄之中去地

靈寶度量人上品妙經

五丈元始登引天真大神上聖高尊妙行真人十方无極月華陰景大神無鞅數衆俱入寶珠之中天人仰看惟見拂拂從珠口中入既入珠口不知所在國人廓散地還平正無復歌陷元始即於寶珠之內說經都竟衆真監度以授於我當此之時喜慶難言法事粗悉諸天復位倏欻之間寂無遺響是時天人遇值經法普得濟度全其本年無有中傷傾土歸仰悟道知陰陰景陰神陰氣陰精陰火陰化陰生陰胎陰變陰返至陽日月同并言

卷第五十四

為陽華口為陰關齊同慈愛異骨成親國安
民豐欣樂太平經始出教一國以道預有至
心宗奉禮敬皆得度世

道言元始天尊說經中所言並是月中結璘
內名隱韻之音亦是月中后妃夫人內諱百
靈之隱名也兆能知之挹華采景至陰生陽
陽極仙身雌宮遐感席降靈真固兆血腦使
生久存月為魄神血為至陰陽為陰留陽號
胎陰陰稱祖土錄書祕文非世之常辭上聖
已成真人通玄究微能悉其章誦之十過諸

天遙唱萬帝設禮河海靜默山嶽藏雲月降
陰景黃鉛易形群魔東形鬼精滅爽迴屍起
死白骨成人至學之士誦之十過則五帝來
衛陰格陽真六龍負車三界稽首魔精喪眼
鬼祿滅爽濟度垂死絕而得生所以兩者學

地五

四

士穢氣未消體未洞真召制月華威未制天
政德可伏御地祇束縛魔靈但却死而已不
能更生輕誦此章身則被殃供養尊禮門戶
興隆世世昌熾與善因緣萬災不干神明護
門斯經尊妙獨步玉京度人无量爲萬道之

宗巍巍大範德難可勝

道言凡誦是經十過諸天齊到月真佇軒月中夫人爲兆列言億曾萬祖幽魂苦爽皆即受度上昇朱官格皆九年受化更生得爲貴人而好學至經功滿德就皆得神仙飛昇金

闕遊宴玉京也上學之士修誦是經月華煥液變骨鍊神皆即受度飛昇南宮世人受誦則金精入身腦戶自鳴玉女捧章金童稟顏得延壽長年後皆得作尸解之道魂神暫滅不經地獄即得返形遊行太空此經微妙普

靈寶度量人上品妙經

度無窮一切天人莫不受慶无量之福生死
蒙惠上天所寶不傳下世至士齋金寶效心
盟天而傳輕泄漏慢殃及九祖長役鬼官侍
經五帝玉童玉女各二十四人營衛神文保
護受經者身

地五

五

道言正月長齋誦誥是經月華陰景中有大
神龍衣虎符度兆先宗爲上世亡魂斷地連
役度上南宮七月長齋誦誥是經月華陰景
中有大神黃衣寶章刻兆仙名身得神仙諸
天書名黃籙白簡削死立生十月長齋誦誥

是經月華陰景中有大神繡裳大紳坐鎮萬
靈爲國王帝主君臣父子安鎮國祚保天長
存世世不絕常爲人君安鎮其方民見大平
八節之日誦詠是經月華陰景布光八天得
爲九宮真人本命之日誦詠是經月華陰景
立兆生形神生腹中玉珮金璫靈液注胃身
得長生魂神澄正萬炁長存不經苦惱身有
光明三界侍衛五帝司迎萬神朝禮名書上
天功滿德就飛昇上清

道言行道之日皆當香湯沐浴齋戒入室

靈寶无量度人上品妙經

東向叩齒三十二通上聞三十二天心拜
三十二過閉目靜思身坐紫黃白三色素
雲之中內外齋冥有青龍白虎朱雀玄武
師子白鶴羅列左右日月照明洞煥室內
項生圓象光暎十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前畢

引悉三十二過東向誦經

元始无量度人上品妙經

地五

六

元始洞玄靈寶本章月華陰景上品妙音十
回度人結璘隱韻離合自然混同陰景无无
上真黑金之炁玄一之胎外陰內陽至精未
開靜極生神金水聚形圓照浩劫海嶽澄明

靈寶先度人上品妙經

陽獨化息陰凝變停二象冥合玄牝體并陰
升雨露陽降淵泉元始祖劫化生諸天祖爲
陰景月華含運開明三辰是爲天根上無復
祖惟道爲身月中靈文黃書寫林葉有玉章
普殖神靈無文不光無文不明無文不立無
文不成無文不度無文不生是爲大梵天中
之天鬱羅玉闕藥洲金臺上極元上大羅玉
清眇眇劫仞若亡若存三華離便大有妙庭
玉戶藥房森羅紫雲神霄梵炁周回十方中
有月華陰景之神中有南極長生之君中有

東極青華帝君中有十龍飛車司馬大神中
有好生韓君丈人中有南上司命司錄延壽
益算度厄尊神迴骸起死无量度人今日校
錄諸天臨軒

東方无極飛天月中黃華神王長生大聖无

地五

七

量度人

南方无極飛天月中赤儀神王長生大聖无

量度人

西方无極飛天月中素魄神王長生大聖无

量度人

靈寶无量度人上品妙經

北方无極飛天月中紫字神王長生大聖无量度人

東北无極飛天月中神光神王長生大聖无量度人

東南无極飛天月中陰火神王長生大聖无量度人

西南无極飛天月中紅露神王長生大聖无量度人

西北无極飛天月中瑤闈神王長生大聖无量度人

上方无極飛天月中五后神王長生大聖无
量度人

下方无極飛天月中玉妃神王長生大聖无
量度人

十方至真飛天月華陰景神王長生度世无
量大神並乘素雲玉輿丹輦霞蓋金輪駟駕
靈鳳十具白龍建廣寒之節耀靈神幡前嘯
天樂齊唱後吹神籟同鳴師子白鶴嘯歌嘯
囉五老啓途群仙翼轅億乘萬騎浮空而來
傾光回駕監真度生玉闕丞相南昌上官韓

靈寶度量人上品妙經

司主錄監生大神執錄把籍齊到帝前此能
感恩玉天流霞注極碧玄月中黃岳挹華秘
泉神水透漢真光變仙燕液寶章心念白元
有五夫人扶攜踳躩泝煙奔車十龍駕駟上
動高晨下通幽關隨所應度嚴校諸天誓告

此五

八

三界無極神鄉泉曲之府北都羅酆三官九
府十二河源上解祖考億劫種親疾除罪障
落滅惡根不得拘留逼合鬼群月皇符命時
刻昇遷北都寒池部衛形魂制魔保舉度品
南宮死魂受鍊仙化成人身身受度劫劫長

存隨劫輪轉與天齊年永度三途五苦八難
超凌三界逍遙上清上清之天天帝洞璘無
色之境梵行

東方八天

玉里延皇天

帝陸建封佐

秀峯碧華天

帝聖司高安

龍喬聖驥天

帝逸徒超方

平洞浩元天

帝彭冷丕江

濟真常樂天

帝辨宗豫元

震光保生天

帝廖都洛炁

靈寶先天度量上人上品妙經

化玄開叙天

帝仙瓊紫璠

九山龍淵天

帝云濤迷成

南方八天

赤揚鳳炁天

帝竺毗達良

耀靈寂思天

帝寧華笳

世五

熏載陋賓天

帝妙瀆慈恭

九

錫真无極天

帝隱梵多容

絳立顯源天

帝初炎英摩

火巖考過天

帝略多倚臺

元命欽光天

帝聰規謨名

明虛正一天

帝邊朋祛屍

西方八天

尾神監籍天

帝乙魁綿都

鍊仙變玄天

帝嶽漸穹

婆文斬魔天

帝真陀考公

七絕注明天

帝覺祿幽僅

太素布揚天

帝逸寧无均

梵光騰剛天

帝真嘉韞初

液靈化魔天

帝蘇伯寅

聖格致仙天

帝仲務建師

靈寶先天度量人上品妙經

北方八天

混光騎昇天

帝號巴部迤

寶炁耀精天

帝正効完時

道育曲蒙天

帝正昭泰光

越龍玄鑒天

帝海巖正該

命仙海畿天

帝保機永生

落監總明天

帝季光熾倫

飛斗星意天

帝耀次夷極

霄庭度真天

帝鄭澤虔靈

三十二天三十二帝諸天隱諱諸天隱名天

中空洞自然靈章諸天隱韻月中之音月中
之尊月中之神月中之真月中之靈九炁十
華變化上清无量之奧深不可詳敷落神真
普度天人今日欣慶受度歷關諸天請滅陰
惡斬絕地根飛度五斗名列太玄真王監舉

地五

十

無拘天門東斗龍光西斗虎翔北斗狼據南
斗鳳璫中斗麟伏共成華芒為月陰景變化
奇常青帝吐霞白帝執玉赤帝執火黑帝隱
局黃帝合神月精鍊真青景神王角應巴元
赤景神王箕翼擔天白景神王參力翻山黑

靈寶先度人上品妙經

景神王玄正醜監黃景神王魁彪橫天月華
陰景五色回旋降北三宮真王舉仙月華神
王萬神之宗飛行鼓從總領神兵揚霞太空
神光赫奕諸天齊功陰真度人嚴校北鄧神
公受命普掃不祥青龍吐毒白虎四張朱雀
前驅玄武仗幡擲火萬里流鈴八衝敢有干
試閉回月精金刀前戮玉戟後刑屠割鬼爽
風火無停千千截首萬萬翦形魔無干犯鬼
無祆精三官北鄧明檢鬼營不得容隱金馬
驛呈普告無窮萬神咸聽三界五帝列言上

元洞肇萌陰景誕陽陽求於陰陰留於陽終
始五運自龍及康日在月中水護金房陽從
陰生以柔德剛身無太陰發為狂陽陽絕形
斃非聖用藏眇眇億劫混沌之中上金為色

地五

十一

下水為淵中有至無神炁所安風澤洞虛金
剛乘天天上天下無幽無冥無形無影無極
無窮溟津大梵遼廓無光陰景開明運度自
然元始安鎮敷落五篇赤書玉字八威龍文
保制劫運使天長存梵炁彌羅萬範開張元

靈寶度量人上品妙經

網流演三十二天輪轉無色周回十方旋斗
歷箕回度五常三十五分總炁上元八景冥
合炁入玄玄中太皇上帝高真汎景太霞
嘯詠洞章金真朗郁流輝靈管玉音攝炁靈
風聚煙紫虛鬱秀陰景化仙千和萬合自然
成真真中有神長生大君青華公子月魄尊
神太一司命桃康合延執符把籙保命生根
上遊上清出入華房八冥之內細微之中下
鎮人身泥丸絳官中理五炁混合百神十轉
回靈萬炁齊仙道貴生无量度人月有十

門飛天寶輪罪福禁戒宿命因緣普受開度
死魂生身身得受生上聞諸天諸天之上各
有生門中有空洞謠歌之章真王靈篇辭參
高真

第一月華陰景飛空之音

六合皆空

初無一物

空忽自嗟

炁風轉足

風號剛風

炁爲元炁

炁如黑霧

風鼓而聚

化爲黑月

遊汎無所

黑中生赤

赤丸爲日

天地華實

月爲日根

十者徧出

五色流津

月華陰景

萬靈仰尊

至陰生陽

其光乃昌

造化之本

陰陽爲防

五引結璘精

天人來我傍

第二月華陰景真王之章

龍山之阿

綠羅抱月

天光潛蓮

地五

十二

四飛玉雪

極陽生陰

陰爲物君

陰靜無爲

萬物芸芸

陽動陰靜

陰景自正

靜則變化

各正性命

此不知真

常勞我神

自破居空

不知抱神

抱神曰靜

陰景爲令

中生至陽

飛神躡罡

咽黃金液

遊白雲鄉

胡爲樂世間

朱顏徒爾蒼

第三月華陰景真王歌曰

神風駕明月

世界隨雲行

不知萬樓閣

玉棟虹霓生

天后服黃繡

曳環響葱蘢

光分九天上

十龍馳素英

上學仰神靈

引華含至精

易骨三洗腸

神霄刻仙名

腦血自克溢

陰景延遐齡

玄露生海瑛

真水來杳冥

南宮度七祖

北都消罪嬰

逍遙乘飛車

奔造賁寒庭

浩劫留芳頰

千載無愁聲 故知上真道 妙化生群靈

我歌太清下 俯輪駟玉馬 金波漲天來

秀色若可把 月漿滋百神 再歌調再陳

此三界之上飛空之中真王歌音音參洞章

誦之百徧名度南官誦之千徧真王保迎萬

世五

十三

徧道備飛昇太空過度三界位登仙公有聞

靈音真王敬形敕制地祇侍衛送迎拔出地

戶五苦八難七祖昇遷永離冥官魂度朱陵

受鍊更生是謂无量普度無窮有祕上天文

諸天共所崇泄慢墮地獄禍及七祖翁

道言此二章並是月中高真結璘神王隱秘之音陰景之道陽炁之先陽爲陰留月因日弦黑白分胎金水性全駐息延命育胎固年天地持之月華藻淵内生炁母萬類之元伏羲始祖真火繼傳三官往來造物功全上帝無爲元德潛敷皆是大梵之言非世上常辭言無韻麗曲無華宛故謂玄奧難可尋詳上天所寶祕於玄都高上神霄玉清王府道君降世隨運下傳若有至人齋金寶質心依舊格告盟十天然後而付焉

靈寶元量人上品妙經

道言夫天運度否終日月五星虧盈至聖神人休否末學之夫疾傷凡有此災同炁皆當齊心修齋六時行香十徧轉經福德立降消諸不祥无量之文普度無窮

道言夫末學道淺或仙品未克運應滅度身

經太陰臨過之時同學至人爲其行香誦經

十過以度尸形如法則月華停彩陰景降精

真炁歛生陽神盡復魂神徑上南宮隨其學

功計日而得更生轉輪不滅便得神仙

道言夫天地運終星宿錯度日月失光四時

失度陰陽不調國土有災疫毒流行兆民死傷師友命過亦當修齋行香誦經夫齋戒誦經功德甚重上消天災保鎮帝王下攘毒害以度兆民生死受賴其福難勝故曰无量普度天人

卷五

十四

道言凡有是經能為天地帝主兆民行是功德有災之日發心修齋燒香誦經十過則諸天記名萬神侍衛右別至人剋得為聖君金闕之臣諸天記人功過毫分無失天中真王亦保舉爾身得道者乃當洞明至言也

諸天中大梵隱語无量音

道君撰

元始靈書月華陰景中篇

東方八天

陰暉鑿景 月珠凝液 岵基輝魂

碧霞投蹟 粹功稱羅 乙珠岡壁

度靈䟽妙 靈真秀激 郊中赫鈔

祕俞勤律 昌角柳鬼 奇明映日

博訶元宗 化池杳密 陽真成風

運華調通

南方八天

丹曜蔚靈

伺訣膺珮

陽規橫登

泊桴消極

瑤湍函虛

真合定化

流乘步邦

補雲浮廊

叙驛騰炎

司執遙漂

瀾媚洞阿

禁真瓊泚

穎兵芝露

鈔叩蘊塞

真振毗諦

玄方岐泰

地五

十五

西方八天

靈持啓傳

整鏗雲帥

輅餼維爵

參畢昭對

狀皇仙叢

歷霞猶外

青札禮光

金雷寂涓

鍊繁菲籠

三素閔允 衍弼記寶 鳳關璘峽
典執討廉 玄鄉神衝 澄霸演熙
長庚浮瑞

北方八天

峒凌魁浪 敵波軒煥 薰儲蕙輔
龍真丕傳 握紐陣魔 揭雷祝垓
烈山傾奔 黑虛刁端 蒼龜火蛇
幽泉斗官 制邪散醜 頂剛巫鑿
洪矜寶源 躔危絡輪 蓋辰捧台
帝觀礫遵

道言此諸天中月中璘文大梵隱語无量之音舊文刻書月中十芒之闕以招結璘大神布光太無召陽成真萬類得文陽歸真陰真陰固陽使神炁存金體玉骨月華鍊形蕩穢致仙高上欽聞贊天无功萬億福成字皆廣長一丈天真皇人昔書其文以爲正音有知其音能齋而誦之者諸天皆遣飛騎神三下觀其身書其功勤上奏諸天萬神朝禮地祇侍門大功真王保舉上真道備剋得遊行三界昇入金門此音無所不辟無所不禳無所

不度無所不成天真自然之音也故誦之致
飛騎下觀月妃遙唱萬神朝禮三界侍軒群
袂束首鬼精自亡琳琅振響十方肅清河海
靜默山嶽吞煙萬靈振伏招集群仙天無氛
穢地無祲塵冥慧洞清大量玄玄也

地五

十六

元始无量度人上品妙經卷之

第十二卷第五十卷
